

DEO OPT. MAX. UNI ET TRINO, VIRGINI DEIPARÆ, ET SANCTO LUGÆ ORTHODOXORUM MEDICORUM PATRONO.

# QUÆSTIO MEDICA

## CARDINALITIIS DISPUTATIONIBUS MANE DISCUTIENDA

IN SCHOLIS MEDICORUM, DIE JOVIS XV. MARTII.

M. JACOBO DE BOURGES. Doctore Medico, Præside.

*An statim à cena somnus?*

**L**ABORIS & somni necessarias vices dum dividit, salutariter componit, quotidiana interponendi cibi consuetudo. Horum trium, laboris, somni, & cibi, ut dissimilis facultas, sic dispar usus esse solet, & diversa cujusque usurpandi tempora, ex proprio vitæ instituto definienda, & ratò semper ordine obtinenda, si ad unam benè valendi rationem exigantur: opportunum inchoandi operis tempus, cum excusâ somni gravitate, & simul cum sole experrectis, nova oboritur alacritas sponte laborem occupans: hunc aliquandiu quidem perferre necesse est ei, qui optat suam sibi ad valetudinem prodesse industriam, ita jejunis, aut manè leviter pafis solidi diei labor innocens: largiore verò prandii institutum opus abrumperè mox retexendum, rem omnium insaluberrimam: ergo corporis pascendi differenda hora, & fames ferendo obsonanda est. Optimum vivendi genus eorum, qui nihil aut parùm pransi, laborem & diem liberaliori cenâ claudunt: dummodò ne ingestos cibos corrumpant intempestivè vigiles, sublati dapibus, & remotâ mensâ statim secedant, quietem animo, otium corpori daturi. Ambo unâ acquiescere, & quiescendo adjuetum munus ut præstent denò corroborari, summum & præcipuum somni beneficium est.

**M**AGNA est hominum ab labore atque cibo ad somnum proclivitas, attamen ille sive longus, sive brevis, sive altus, sive levis, nunquam bis in die optandus, senibus etiam metuendus, quos sapiens sollicitat. Tanti sanorum interest somnum, ut profit, capere tempestivum: hunc autem tria faciunt, causa, locus, & tempus. Causa, naturæ ad somnum vocantis vis & consilium, apud nos, dum valemus, omnia ex æquo & bono agentis. Locus, in quo mollissimè composito corpore dormiturus jaceat, *à Galienis de vitiis*: utram in aurem dormiat nihil refert: omnis juvat sanum decubitus cuicumodi ille sit. Tunc verò dormiendi tempus instat, cum exhaustis & quamprimum instaurandis viribus, ne omnino fatiscant, apta adest materies quam cibus obtulit, quæque primis visceribus contenta, utiliter in his adornari & perfici sine somno nunquam potest.

**R**ERUM labore fessis quæ propior jam imminet somni imperiosa vis, si quando statim à cena instet, huic ultro occurrendum esse natura suadet: nam à somno, illa robor animumque ducit, & vires ingerminans, ad omnia intus peragenda lætior accedit. Lautior cenâ fuit, atque oblatos jam corpus tenet cibos, sed plures, sed crudos eò diutius futuros, & idè cuivis corruptelæ magis obnoxios, quò lætius coquantur, procul ab eis avvocato calore, & sicut in vigilia mos est foris diverfante. Ut primum somnus advenit, calor intrò totus ad cibos redit, & nullum passus excidere vacuum coctionis tempus, primâ nec levi operâ, sic coquendos adoritur, ut cruditate positâ, confestim prodeat spiritus alimento infusus, & alendi corporis spiritibus *σπυρμας*, qui unâ juncti promovere pares sunt perfectæ chylosose artificium. Hinc demùm alius atque alius cenæ & somni fructus, dum enim subito cibi & caloris confluxu fervet coctionis opus, uberior ab alimentis humiditas erumpit, quâ vicina viscera perfundente, superstes laboris æstus relinguitur, incitanti sanguinis motus comprimitur, atque calore eò meliùs accurrante, quò citius conceptis cibis incubuerit, jam jam somnus affatim paraverit, unde diurna virium dispendia brevi reparari possint.

**N**ON modò somnum tempestivum, quæ paulò ante prævit, cenâ facit, sed etiam durabilem, & qualis consummatam coctionem tenendus, longum & altum: ubi enim calor cibos attingit, sursum ab illis mittitur halitus crassiusculus, & quò recentioribus è cibis admittitur, eò minùs solubilis, quò mens & sensus obligati justum concedunt ad quiescendum spatium. Atqui hæc est vera & proxima naturalis somni causâ, cætera quæ extrinsecus adveniunt, somni incitamenta, quia brevem, quia levem, vel intempestivum, vel inutilem accersunt, & sæpè à rebus innoxii non innoxium. Quem cantâs suavitatis, quem, frondium, strepitum modulantis favonii aura, aut lenè fluentis aquæ murmur otiosis auribus insulsiurant, brevior & levior quàm reparandis viribus sit idoneus. Æstivo die & flammæ latrante caniculâ frigidiori in loco obdormiscere, vel jacentem fulcienre rosâ, insidiosum est: item vacuò cibis corpore consopiri, aut consopitum ad mensam accumbere culpâ non vacat. Vis cubitum eò discedere, quò te lassum atque intra legem cœnatum legitimæ somni causæ provocant, nusquam omnes commoditatis unum in locum coiturse, unus est statim à cenâ ineundus lectulus, sed ut jucundus sit & ad virium instauracionem stratus, liber liberum adito.

**Q**UI somnum statim à cenâ obrepentem eluctando vigilare annitur, parùm somni & vigilæ in usu prudens, utrique impar, nec vigilantium agilitatem servat, nec dormientium tranquillitatem obtinet: at mox imperatæ sibi vigilæ compos, quem longè dispulit, vel totam noctem oculis suis somnum non videbit, vel serum capiet, & ut cenam edormiat, brevem nimis: hinc frequens & inopina febriorum crapula, hinc macies & febrium cohors, atque cætera, quæ cruditatem vigilæ sobolem, hoc est, longum cenæ & somni dissidium comitantur, symptomata: haud paulò quidem graviora, quàm quæ conceptus inter fercula, neque diu dissimulatus sopor intulerit, illa universum naturæ fundum depopulantur, caput preunt: hæc Medicus facili arte submovenda ei præstiterit, cujus cenæ & somno præstiterit.

*Ergo statim à cena somnus.*

Afferebat Lutetiæ MARCUS ANTONIUS HELLOT, Parisinus, A. R. S. H. MDCLXXIV.

